

tantum, an vero autor etiam horum Commentariorum fuerit, pronuntiare non possum.

## CCXIII.

U. 154 Codex chartaceus lat. Sec. XV. Folior. 454. f. per duas columnas, non eadem manu, maximam tamen partem probe scriptus, minioque distinctus in fol. praevia haec verba habet: *Ex testamento magistri Nicolai de Kreytznach arcium theologie et Decretorum professoris.* Gessit vero Vir iste inter annos 1468—81. ter supremum Academiae Magistratum, annoque 1491. defunctus est, unde sequentis *Lecturae in Pauli Epistolas Secundam ad Corinth. ad Galat. ad Epbes. ad Coloss. duas ad Thessal. ad Titum et Philemonem* autor esse non potest. Dicitur enim mox in ingressu primae Lectionis: *Harum epistolarum duas exposuit in hijs scolis Venerabilis sacre theologie professor Magister petrus de pulka felicitis recordationis epistolam scilicet ad romanos et primam ad Corinth. Quare incipiendo ubi ipse dimisit, cogitavi secundam epistolam ad Corinth. aggredi.* &c. Si Codicem Univ. 45. in consilium adhibeas, loquitur hic *Nicolaus de Dinkelspühl, Petri* successor, qui lecturam usque ad *Epistolam ad Epbes.* perduxit, cathedramque dein cessit *Petro Reicher de Pirchenwart* pollicito, se et hanc, et sequentes deinceps *Epistolas* expositurum. En igitur duorum Virorum labores, qui *Nicolaum*

*Crucenacensem*, de quo videri potest *Tritbemi* in *Catal. illustr. Viror. Germ. fol. 55.* aetate multum praecessere. Lecturam in *Secundam ad Cor.* orditur *Conspectus Quaestionum* in ea tractatarum; ejus vero initium est: *Apostolus paulus 14 scripsit epistolas &c. Quaestiones ad Lecturae calcem expediuntur.* Idem ordo *ad Galat.* Sed deinceps nulli *conspectus*, nullae post singulas *Epistolas Quaestiones*, fol. tamen 392. ad calcem *Epistolae ad Philem.* omnes congestae. Unde vel e diverso hoc tractationis modo diversi *Autores*, prior *Nic. de Dinkelspühl*, alter *Petr. de Pirchenwart* agnoscuntur.

Codicem postice vestit *Membrana integerrima* data: *Wienne patauien. dioc. Anno domini 1461. Indiſt. 9. die vero 13. Aug. Pontificat. Pij Secundi Anno Tercio*, qua *Bessarion Ep. Tusculanus Cardinalis Nicenus* vulgariter nuncupatus in partibus *Alamanie et Germanie* locisque omnibus in eisdem *Sacro Romano imperio* subiectis *Apostolice Sedis* de latere legatus *Heinricum Triburgker clericum Maguntinen. dioc. et perpetuum beneficiatum ad altare S. Martini in ecclesia S. Stephani* alias omnium sanctorum *Opidi Wienn. Patauien. dioc.* ab irregularitate, *in iuncta* tamen *primitus penitencia salutaris* absolvit. Percusserat alienigena hic, ut ad nos confluere solent, *causa recreacionis et solacij una cum alijs clientibus et socijs serotino tempore in opido No ueci-*

ueciuitatis Salczburgen. dioc. deambulans Laicum quendam sibi obvium et apprehenso cultello minacem post mutua convitia cum gladio non euaginato inter scapulas; verum Socii illum persecuti occiderunt. Signatae sunt hae Literae ad oram inferam: *N. Sympontinus*. Itaque veneratus sum manum *Nicolai Perotti* Ep. *Sympontini* Viri inter primos Literarum Vindices eruditi, et carissimi magni *Bessarionis* alumni, quae hoc in Urbe nostra exaravit. De ejus Vita et Scriptis agit *Nicernus* T. IX. p. 374.

## CCXIV.

U. 44 Codex chartaceus lat. Sec. XV. Folior. 290. f. currente calamo scriptus ita se in Theca anteriore enunciat: *Hic continetur expositio epistole Pauli apostoli ad collossenses secundum quod legit in scolis theologicis studij wyemmensis Honorabilis ac egregius vir Magister petrus de pirchenwart sacre theologie professor eximius. cuius anima deo vivat. Item expositio super epistola ad thessalonicenses. Item super epistola ad tytum. Item dubia circa predictas epistolas secundum ordinem. Praemittitur vero Index realis et ipsa etiam Argumenta ante singulas Epistolas exponuntur. Initium Epistolae ad Coloss. est: Paulus Apostolus &c. Ista est epistola beati pauli Apostoli quam scribit ipsis colossensibus &c. Ita fol. 66. p. 2. Epistola ad Thessalonic. I. fol. 117. p. 2. ad Thessal. II. fol. 142. ad Titum, fol. 178. ad*

*Philemonem*. Vides igitur plura praestari, quam quidem praevia illa *Nota* pollicebatur. Ad calcem Epistolae ad *Titum* haec habentur: *Et sic est finis illius Epistole ad Tytum Qui factus est legendo, sabbato ante dominicam palmarum Anno domini 1435°*. Unde egregie doctus Interpres noster *Petrus Reicher de Pirchenwart* D. *Stephani* Canonicus vitam ultra annos T. I. *Scriptt. Univ. Vien.* p. 102. ei adsignatos produxit, mortuus, ut habet *Locheri Speculum Acad.* anno 1436. *Dubia* superius indicata a fol. 191. usque ad Codicis finem pertingunt.

## CCXV.

U. 160 Codex chartaceus lat. Sec. XV. Folior. 492. f. per duas columnas currente calamo exaratus, et sub finem male habitus continet: *I. Lecturam* scholasticam prolixam in *D. Pauli Ap. Epistolam ad Hebraeos*, quam manus recens *Johanni Grössel de Titmanning* inscripsit, Autore ipso praemittente: *Anno 1455. tredecima Junij exorsus praesens sum opus. Quod si is sit Job. Grösselius, labor iste in tertium Rectoratum Academicum Viri incidit. Dixi de illo alias. Lectura praesens incipit: Diuine prouidentie favente clementia lectionis epistole ad hebreos Doctoris gentium egregij Pauli apostoli vasis electionis operam possitenuus aggressurus &c. Et finit: Gratiam et gloriam dabit dominus; cum addito: Explicit scriptum super epistolam ad hebreos Anno do-*